

Reala ♦ Errendimendua nahi duela esan zuen Kraussek Cvitanovici buruz, eta ez hitzak

«Taldean sartzeko modua gehiago entrenatzea da»

Valentzia etxetik kanpo «talde indartsuena» dela uste du alemaniarrek

Asier Errasti / Donostia

IGOR CVITANOVICEK here-negun egindako adierazpenak —Reala utzi nahi duela eta aukerarik izan ez duela esan zuen, besteak beste— hizpide izan zituen atzo Zubietan Bernd Kraussek. Izan ere, «gai garrantzitsuei» buruz hitz egitea atsegin duen arren, Cvitanovicen inguruko hainbat gauza argitu nahi izan zituen alemaniarrek. Hala, mezua bat bidali zion Kraussek kroaziarrari: «Tal-dean sartzeko modua ez da hitz egitea, gehiago entrena-tzea baizik. Nik emaitzak nahi ditut, hau da, errendimen-dua, eta ez hitzak».

Era berean, jokalar guztiak «bere aldagelako ateak zabal-lik» dituzten arren, «bat edo batek lehendakariarekin eta komunikabideekin hitz egitea nahigo» duela esan zuen Kraussek Cvitanovicen ingu-ruan. Kraussek «bere lanean ez sartzeko» ere aholkatu zion kroaziarrari, Cvitanovicek, aulkian egotekotan, deialdian ez izatea nahiago duela esan baitzuen herenegun.

Kroaziarra fitxatzearen erantzukizunaz ere hitz egin zuen Kraussek. Izan ere, Rea-lean horrelako erabakiak «guztion artean» hartzen dire-



Bernd Krauss alemaniarra, Zubietako entrenamendu batean.

la nabarmendu nahi izan zuen alemaniarrek. Azkenik, Realak Cvitanovicengandik eskaintzarik jaso ez duela argitu zuen Kraussek.

Rekarteren itzulera

Igandeko partiduen ingu-ruan, Lopez Rekarte, partidu bateko zigorra bete ostean, eskuin lateralera itzuliko dela

aurreratu zuen Kraussek. Era berean, gainerakoan aldaketarik ez dela izango adie-razi zuen alemaniarrek, «tal-dea ongi ari denean ez baitago aldaketak egiteko arrazoirik».

Valentziaren inguruan etxetik kanpo «talde indar-tsuena» dela esan zuen Kraussek. Valentzia ez dela «Claudio Lopez bakarrik» ere nabarmendu nahi izan zuen

alemaniarrek. Hori bai, horrelako jokalar bat gera-tzea «oso zaila» dela eta horretarako «bere inguruan espazioak ixten» saiatuko direla ere gehitu zuen. Azke-nik, Valentzia talde indar-ttua izan arren, Realak «azken partiduetako maila ematen badu», garaipena eskuratuko dutela esan zuen Bernd Kraussek.

Eibar-Osasuna derbia ♦ Eibarrek zulotik atera nahi du, eta Osasunak igo

Derbi ezberdina

Erredakzioa / Iruñea

EIBARREK eta Osasunak Bi-garren mailako derbia joka-tuko dute gaur Ipuruan (18:00, ETB1). Partidua ira-baztea oso garrantzitsua da bi taldeentzat, nahiz eta nafa-rreri eta gipuzkoarren egoera oso ezberdina izan: Osasunak goiko aldean sartzeko borro-katuko da, eta Eibar, berriz, beheko aldetik ateratzeko.

Nafarrei dagokienez, Eduardo Conget bigarren tal-deko gaztea izanen da gaurko aldaketa nagusia. Enrique

Martinek Eduardo Perez ze-lairatzeko asmoa zuen Mar-kovicen ordeztu, baina jokalaria zuzendaritzaren jokabidea-rekin kexu agertu zen —joka-tutako partidua kontuan hartu gabe kontratua luza-tzeko jokalaririk abenduan egindako eskaintzari ez dio erantzun Osasunak—, eta, hori dela eta, atzo, entrena-mendua hasita zegoela, Con-get deitza erabaki zuen en-trenatzaileak. «Ilusioa duten jokalaririk nahi ditut», erran zuen Martinek, bere erabakia azaltzeko. Congetekin batera,

Marcelino aurrelariak ere ha-sieratik jokatuko du, Zigan-daren ordeztu, zigortuta baita-go nafarra.

Eibarri dagokionez, Iturri-no eta Ocio Osasunaren aur-ka aritzeko prest izanen dira: Iturriñori zuntz haustura osatu egin zaio, eta Ociok, ber-riz, bete du partidu bateko zigorra. Gipuzkoarrak azke-naurrekoak dira Bigarren mailako sailkapenean, eta, hori dela eta, funtsezkoa da haien zuntz Ipuruan hiru pun-tuak eskuratzea, zulotik behingoz ateratzeko.

Athletic ♦

Ateak itxita entrenatuko dira gaur zuri-gorriak San Mamesen

Urzaiz eta Imaz dira jokatu ezinda dauden jokalar bakarrak

Ramon Basaldua / Bilbo

ATHLETICEKO jokalaririk ez ziren entrenatu atzo eta gaur egingo dute asteko azken saioa. Luis Fernan-dezek ondo prestatu nahi du Valladoliden aurkako partidua, eta San Mames aukeratu du gaurko saioa egiteko. Gainera, entrena-tzaileak lasaitasuna nahi du eta entrenamendua ateak itxita izango dela iragarri du.

Luis Fernandezek plan-tillako gizon guztiak ditu prest biharko partidura-ko, Ismael Urzaiz eta Andoni Imaz izan ezik. Billabonako erdilaria buru-belarri sartuta dago belauna osatzeko proze-suan, eta aurrelari nafa-rrak partidu bateko zigo-rra bete beharko du aurreko igandean denbo-raldiko bosgarren txartel horia ikusi ondoren. Gau-zak horrela, litekeena da Fernandezek erabakita izatea Valladoliden zelai-ratuko duen hamaikakoa. Imanol Etxeberria izango da atean, Lacruz eta Feli-pe hegaletan, Alkorta, Jose Mari eta Ferreira atzealdean, Urrutia eta Alkiza euskarri lanetan, Guerrero aurrerago eta Etxeberria eta Ezquerro aurrealdean. Baliteke Iñigo Larrainzarrek hamaikakoan sartzeko aukeraren bat izatea.

Zuri-gorriek irabazi egin behar dute Zorrillan European sartzeko aukerei eusteko. Horretarako, apurtu egin beharko dute azken denboraldietako bolada txarra. Azpimarra-tzekoa da Athleticen bi garaipen baino ez duela lortu Valladoliden jokatu dituen azken hemezortzi partiduetan. Gainera, zuri-gorriek sei gol baino ez dituzte sartu. Julen Guerrerok sartu ditu Athleticen Jose Zorrillan sartu dituen azken hiru golak. Azken garaipena 94-95 denboraldian erdie-tsi zuten.

18:00

EIBAR-OSASUNA

Barasoain	Martin
13 Jon Ander	1 L. Vallejo
22 Iturrino	30 Descarga
4 Arce	4 Mateo
18 Matxon	3 Iban
2 Goio	31 Conget
20 Ocio	8 Palacios
10 Bixente	6 Alfredo
11 Arenaza	22 Goikoetxea
19 Aitor Agirre	10 Tiko
15 Cuellar	17 Trzeciak
9 Kiko	24 Marcelino

Epailea • Rubio Iniesta

Zelaia • Ipurua